



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**E khalema
litichere**

2

**Ba abeloa
mesangoana**

6



LHDA E ATLEHISA TORO



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>

Follow the link

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597



MOELETSI

“Na le mpa ea ka”

Mekhatlo e khalema litichere



Nthabeleng Seitlheko

Mokhatlo oa Litichere oa Lesotho (LAT), o ipiletsa ho litichere ho emisa ho kena likamanong tsa lerato le baithuti kaha litaba tsena e se fela tlolo ea molao, li boetse li thunthetsa seriti sa botichere kahar'a naha. Litaba tsena li tiisitsoe ke Raliphatlatso oa LAT 'Mabokang Madandalaza ka la 13 Motšeanong monongoaha.

O re ba tšoela ka mathe liketso tse mpe tse etsoang ke litichere tsa ho hlekefetsa bana ka motabo, ka hoo ha ho le ka mohlala ketso ena e nyonyehang e senyang bophelo ba bana ba ka e thoholetsang hobane tichere e tšepetsoe ho sebetse le bana e boetse e le motsoali, mosireletsi le ntho e 'ngoe le e 'ngoe.

O re taba ena e re beng ba liketso tsena ba lokela ho beoa kapel'a Makhotla a Molao. A bontša hore ba sebetse ba ipapisitse le molao oa litichere o ba tataisang o hlakisitseng hantle seo ba lokelang ho tsamaea ka sona, o tataisang boitšoarō ba tichere e supang hore ha ho ka moo e ka bang le likamano tsa lerato le ngoan'a sekolo.

O re ba soabile ke liketso tsena ka hona ba se ba ikopela tšoarelo ho sechaba, ebile ba eme ka maoto ho loantša liketso tsena tse mpe. A re ha se feela hore litichere li tseba molao oa boitšoarō oa 2011 oa Lekala la Thuto le Koetliso empa litho tsa ona li boetse li tseba melao ea mokhatlo e ba tataisang ha ba ea ba leb-

ane le baithuti.

O re litichere tse etsang liketso tsena li etsa seo ka lerato le maikutlo a bona kaha ba tseba hantle melao ea boitšoarō le tsamaiso e ba tataisang. A ew ba ipiletsa ho sechaba ho sebetse 'moho le bona ho bona hore ho na le likhato tsa molao tse nkoang khahlamong le litichere tse joalo le baithuti ba kopjoa ho tlaleha litichere tse joalo kaha ketso ena e le tliekefetso ea maikutlo le ea matla.

Ka lehlakoreng le leng, 'Mathafeng Moteuli ho hlaha Mokhatlong oa Baokameli ba Likolo (LESPA) o supile hore ka nako e telele ba utloela ka litlaleho tse soabisang tsa liketso tse mpe tse amohang litichere seriti ho baithuti. O re sekolong ke moo ngoana polokeho ea hae e bonahalang teng,

boitšoarō bo otlolloa teng ka lebaka leo litichere li tlameha ho khaotsa liketso tsena, ba tsebe ba tšepetsoe ntho e kholo e leng kholiso ea ngoana.

O re ba soabile ka hona Makhotla a etse mosebetsi ka matla ho thusa hore baetsi ba liketso tsena ba fuoe likotlo tse matla ho bontša khalemo. O re ke ntho e soabisang ha tichere e kena likamanong le ngoana ea lokelang ho mo ahela bokamoso hobane seo se ama kholo ea ngoana. A re ba ipiletsa ho litichere ho ikhopotsa sepheo sa mosebetsi oa bona, melao e ba tataisang le tsela ea tšebetso ho qoba ho etsa liketso tse se nang seriti. Polelo ea LAT ea la 9 Motšeanong monongoaha e tekenetsoe ke Mongoli-Kakaretso oa eona Letsatsi Ntsibolane.



Motho le motho o phelela ho khotsofatsa litakatso li lithahasello tsa hae, leha a ka bontša mohlomong a etsetsa sechaba ho hong. Litho tsa Lekhotla la Puso ea Sechaba (DC) li bonahetse li ntse li furalla lekhlotla hanyane ka hanyane selemong sena. Haufinyane tjena mokhethoa oa Makhaleng o qeta ho tšelela Letšolong la Ntlatfatso ea Moruo (RFP) 'me mabaka a hae ke hore o lakatsa ho ithuta lintho tse ncha, e le hore a tsebe tsoelopele e etsahalang. Ka lehlakoreng le leng Raliphatlatso oa DC o bontša ha eo a tsamaile hobane a ne a sa utloane le komiti ea lebatooa ea habo, kaha le ho iponahatsa feela e ne e le bothata. Ekaba 'nete ke efe litabeng tsa batho baa ba babeli?

Ke taba e makatsang ruri ha motho a ka ema ho seolla le ho bontša kamoo puso e litulong e sa etseng lintho ka tsela e nepahetseng, a qolla le matona a mang a itseng. Joale kajeno motho ea tšoanang o se a kena kahar'a puso e sa fetohang le hanyenyane feela. Re 'ne re tšepe hore ehlile o il'otsa tsona kapa chee ke maholi a patile maeba, ho na le taba eo a sa re joetseng eona eo e leng pinyane? O kena paramenteng ka menoana ea sechaba tlasa sekhele sa DC, ebe h'a tšepahalle lekhlotla ka ho se ikamahanye le tsamaiso, h'a qeta moo o re o batla tsoelopele? Re sa tla ke re bone hore na ho RFP o tla ikamahanya le komiti ea lebatooa 'moho le mekhhoa eohle ea tsamaiso e kahar'a letšolo.

Batsoali le hlokomelisoa ka mofetše oa boko o tšoarang bana, oo hangata o sa nkeloeng hloohong hakaalo. Ipheng nako ea ho mamela bana ba lona ha ba e-na le mathata mabapi le bophelo ba bona, tlhelang ho nka lintho hasesane hobane mehla e fetohile hona joale. Ho se ho e-na le mafu a mangata a ithahelang feela empa a le kotsi. Ha re hlokomeleng bana hobane ke bokamoso ba malapa a rona 'moho le ba naha ena ea Moshoeshoe. Ngoana h'a ka lla ka hlooho matsatsi a mararo a latellanang, mo potlakisetse setsing kapele hore ho etsoe litlhalobo esale nako e se re oa aha serobe phiri e se e jele. Mofetše ha o fumane hile ka nako, menyetla ea hore o phekohe e phahame haholo. Ka hona e bang hlokolosi, le fe bana tsebe ka linako tsohle.

Kamor'a hore ho qhome ntoa lipakeng tsa Naha ea India le ea Pakistan, Letona la tsa Machabeng le tiiselitse sechaba sa Basotho hore bana ba habo sona ba phelang India ba bolokehile. Ntlo ea boemeli ba Lesotho naheng eo e tšoare kathata 'moho le mafapha a amehang ho etsa bonnete ba hore Basotho bao e leng baithuti moo ba bolokehile. Linaha tsena li tseka sebaka seo naha ka 'ngoe e reng ke sa eona, 'me ntoa ena e qalile ka selemo sa 1947 'me ha etsoa tumellano ea hore ho se loaneloe meeli. Lekhetlong lena Pakistan e tsoile tumellano eo tlaase, e qalile meferefere. Linaha ka bobeli li lebeletsoe ho felisa ntoa ka ho buisana ka khotso.

Mokhatlo oa Bothoba-pelo Foundation o ketekile Letsatsi la Lefatše la Basali ka ho thakela basali ka malebala mafapheng a fapakaneng a bophelo joaloka la temo. Joalokaha basali e le batho ba bohlokoa ho tloha tlhahong ea leseahofihlela le holile, ba lokela ho tšehetsoa, ho sireletsoa le ho fuoa lihlomo tsohle ho e hlanaka maemong ana a hlobaetsang a bophelo. Ba fuoe boikarabello bo boholo ba ho hlokomela malapa, 'me ntho ena e ba ama habohlolo e se feela nameng empa le maikutlong. Ka lebaka lena ho ka ba molemo ha bona ba ka qala pele ka ho tšehetsana, etsoe e le nonyana tsa lesiba ba tseba liqholotso tse ba tobileng. Boikopanyo ke ntho e kholo haholo hobane Morena Molimo o entse kaboomo hore re se tšoane, e le hore re tsebe ho thusana kaha mokhoa oa ho nahana o sa tšoane. Ho feta moo matla a rona h'a lekane, temo ea mehleng ena e litheko li holimo haholo ka hoo motho a ka se e kakase a le mong. Lona tau li mesana khobokanang le iketse ngatana-nngoe le tsebe ho hlola liphepetso tseo le tobaneng le tsona.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšelisio Thakholi

58 540 853/ 63 480 404

Production Desk: 'Mateele Liqa

LHDA e atlehisa toro



Nthabeleng Seithleko

Ele ho kenya tšebetsong leano la thuto ka litaba tsa bophelo bo botle ba sechaba, Morero oa Metsi a Lihlaba tsa Lesotho (LHDA) ka Morero oa Khaho ea Letamo la Polihali, o nehelane ka thepa e tl'o sebelisoa ke Lekala la Bophelo le la Thuto le Koetliso, e tl'o thusa ho fana ka thuto sechabeng ka litaba tsa bophelo le polokong ea lipalo-palo sebakeng sa bophelo bo botle ba baithuti likolong. Litaba tsena li bile Polihali, Mokhotlong ka la 15 Motšeanong monongoaha.

Mookameli oa Morero oa Polihali Gerard Mokone o re morero o hlalositse bonyane 90,800 ea lithusa-thuto tse tl'o sebelisoa ho fana ka thuto ho sechaba ka litaba tsa bophelo, ha ba sebelisitse bonyane M9.5 Million e ho etsa mosebetsi ohle. O re ba fihletse tšebetso ena ka boithuto bo neng bo qale nakong ea boithophisetso ba khaho ea Letamo la Polihali. A re har'a litaba tseo ba ileng ba li fumana nakong eo ea boithuto ke tsa phepo e nepahetseng, bokakachelana, litlaleho tse phahameng tsa baithuti nyahlatsang sekolo ka lehare, litaba tsa tšoaetso ea HIV/AIDS, bokhachane ho bana ba tlaase lilemong le lenyalo la bana ba tlaase lilemong.

O re sena se ile sa qhotsoa hore ba tle ka leano le nepahetseng le ka thusang ho arabela litaba tsena, ka hona ba ile ba fana ka thuto ho bacha ba tla tlatlatsetsa ho fana ka melaetsa likolong, ho Marena, sechaba le litichere. Ba boetse ba tšehetsa lihlopha tsa mananeo a phepo e nepahetseng metseng, e le ho bona hore kholo ea bana e ba e matlafetseng.

A re ba morerong o matla oa ho tšehetsa basebeletsi ba tsa bophelo metseng ka litsiane hore ba tsebe ho iphelisa ha ba ntse ba tšehetsa sechaba ka mananeo a phepo e nepahetseng.

Lebitsong la Lekala la Bophelo Dr. Llang Maama o supile hore setereke sena se na le 66% ea bacha, 'me ke moo bokamoso ba naha bo lokelang ho bolokeha ka ho fana ka thuto. O itse se mo thabisitseng ke hore ebe LHDA e tsetetse moo ho nepahetseng ka ho fana ka thuto 'me ba tla sia sechaba se phela. A re ba thabile hobane lekala le na le khahello e kholo le hloka tlatsetso maemong ohle.

'Musi oa Setereke sa Mokhotlong, Kepa Keqe o supile hore ekare ba filoeng thepa ena ba ka e baballa kaha hangata batho ha ba filoe lithepa li sa sebelisoa

hantle. A re botseteli ba LHDA ke bopaki ba pholoho ea sechaba ka hona thepa e teng e lokela ho sebelisoa ka tsela e nepahetseng molomong oa ntlafalo ba bophelo ba sechaba.

Makapa Kapong Mooki oa Litaba tsa Bophelo ba Sechaba (LHDA), o re ba ile ba etsa boithuto ka mesebetsi e fetileng ea LHDA 'me thuto eo e ile ea etsa hore qetellong ba atlehe ho ithuta ka boemo le bophelo ba sechaba pele ho sebetsoa hore tšebetsong ea bona ho tle ho be le bokamoso bo chabileng le polokeho ea sechaba.

Litaba tsena li latela boithuto bo ileng ba etsoa ke ofisi ea habo ka ho etela kahar'a sechaba ho fuputsa boemo, eaba ba fumana hore tlaleho ea lenyalo la bana ba tlaase lilemong, bokhachane lilemong tse tlaase le lenyalo la bana ba neng ba nyalisoa e ne e le qholotso.

Mosebeletsi oa tsa bophelo metseng Setsi sa St. Martins Manahano Mokholoane o supile hore lithusa-thuto li tl'o ba thusa ho fetisa molaetsa hore ba tsebe ho fana ka basebeletsi bo botle. Ore ba tla boela ba tseba hore na ba fetisa molaetsa joang sechabeng kaha ba ne ba haelloa ke tsebo hoo ho neng ho se bonolo hore ba ka fana ka thuto sechabeng.

Baroane Daniel Phenethi

ea neng a sebetse khahong ea melaetsa ena, o hlalositse hore ho nyoloha ha mafu ka sekhahla ke ka lebaka la sechaba se hlohang tsebo, ka hona ba hloka hore lithusa-thuto tsena li il'o thusa phetisong ea melaetsa ka hoo li sebelisoa e le mofao oa boithuto le ho thusa hore sechaba se itsebe.

O re li boele li sebelisoa ho matlafatsa sechaba, hape molaetsa e lokela ho fihla sechabeng ho shebi-loe sebaka, lilemo le mofuta oa batho ba fuoeng thuto. A ipiletsa ho ba tla fana ka melaetsa ho bua le sechaba pele ba fana ka lisebelisoa molomong oa kutloisiso.

Lebitsong la bookameli ba likolo tseo lenane-thuto lena le sebetsang ho tsona, Lisebo Phakoe o re esale morero ona o ba teng likolong tsa bona palo ea bana ba neng ba tsoa sekolo ka lehare ka lebaka la bokhachane bo sa reroang e theohile, hobane bana ba utloisisa litaba tsa bophelo, ho lula ba ea likolong leha ba le 'meleng ba boetse ba fuoa thuto litabeng tsa bophelo bo botle.

Thepa e fanoeng ke likomporo, lipampiri tse ngotsoeng melaetsa ea litaba tsa bophelo, sekala le lieta. Melaetsa e ngotsoeng ka litaba tsa bophelo e kenyetsa thuto ka litaba tsa mofets'e, phallo ea mali, HIV, mafu a tšoaetsanang le ho tsuba.

Mpotjoane o khoba sechaba matšoafo

Nthabeleng Seithleko

Letona la tsa Machabeng, Mohlomphehi Lejone Mpotjoane o tiiselitse sechaba hore Basotho bohle ba Naheng ea India 'moho le baithuti ba ntse ba bolokehile, kamor'a hore ho qhomme ntoa lipakeng tsa naha eo le ea Pakistan. O boletse litaba tsena polelong ea hae Ntlong ea Bakhethoa, ka la 11 Motšeanong monongoaha.

O hlalositse hore boemeli ba Naha ea Lesotho naheng eo bo ntse bo behile litaba tsena leihlo le nchocho ho bona hore na li lebisahoe, ha Likolong tsa Thuto e Phahameng likolo li ntse li koetsoe ha joale. A re e le 'muso ba tiisa hore tharollo ea liqaka tsa lehae kapa tsa machaba ke ka lipuisano tsa khotso ho ipapisitsoe le melao ea Machaba a Kopaneng li ka rarolloang.

O itse 'muso o ikamahanya le khoelehetso ea linaha tsa lefatše ea peho ea lihloho fatše ho linaha tsena tse peli, le ho rarolla litaba ka mekhoha ea khot-

so le litumellano tsa machaba. Linaha ka bo tsona li khotahalelitsoe ho etsa bonnete ba tšireletseho, seriti, boiketlo ba baahi ba tsona ba amehileng e le ho tliša khotso le botsitso tsa moshoelella linaheng tseo. Lekala la kantle la Pakistan le hlalositse hore naha ea habo lona e ikemiselitse ho emisa lintoa tseo.

Mpotjoane o supile hore ba tšepa hore linaha tsena tse peli tse tjamelaneng li tla rarolla litaba tsena le ho fihleloa ke moea oa bohlale le o mocha oa boikitlaetso oa ho fenyha pharela ena ka methati ea khotso le lipuisano e le ho hlompheha litšia tsa Mokhatlo oa Machaba a Kopaneng tsa ho phelisana ka khotso le tlhompho.

A re ba tiisa hore ba tla leka ka hohle ho fenyha matšoenyeho a ka hlalohang ngoan'a Mosotho linaheng tsa balichaba le ho ba fa polokeho, botsitso le seriti esita le ho baballa boiketlo le litokelo tsa bona.

O re esale ho lula ho rena likhohlano lipakeng tsa linaha tsena sebakeng se bitsoang Jammu le Kashmir, tsena qalileng kamor'a karohano ea India le Paki-

stan ka selemo sa 1947, 'me khang e bakoa ke ho tsekoa ha sebaka se bitsoang Jammu le Kashmir seo naha e 'ngoe le e 'ngoe e reng ke sa eona. Lilemong tsa ho feta taba ena e ile ea lebisahlello tse tharo tse mahlo mafubelu, tumellano ea ho emisa ntoa e ne e ile ea etsoa ke mahlakore ka bobeli ka khoeli ea Hlakola 2021.

Ho ile ha etsoa boitlamo ba ho felisa ntoa ea meeli, empa tumellano ena e bonahala e tlotsoe ho hlaha Naheng ea Pakistan 'me ka la 22 'Mesa monongoaha ba amohetse tlaleho ntlong ea boemeli ba Lesotho, ea pele ke ea la 25 'Mesa 2025, e teketsong ke boemeli ba linaha tsa Afrika ka tlaselo ea likhukhuni moo ho ileng ha e-shoa batho ba 26 ha ba 20 ba lemetse. E 'ngoe ke ea la 9 Mots'eanong 2025 ntlo ea boemeli ba Lesotho e ileng ea tsebisoa hore sesole sa India se kene tšebetsong e patehileng ho arabela tlaselo le polao e neng e entsoe ke likhukhuni tsa Kashmir lehla-koreng la Pakistan ka la 7 Motšeanong monongoaha.

O hlalositse hore 'Muso oa India ka lehlakoreng la

ona o phethile boitlamo ba ona ba ho boloka khotso le ho totobatsa boitlamo ba ona ba ho sireletsa baahi le libaka tsa ona khahlanong le likhukhuni, 'me e tla lula e tataisoa ke melao ea machaba le ea boits'oaro bo nepahetseng.

O supile hore maemo ana a hloabaetsang a re amme ka kotloloho re le Naha ea Lesotho ho latela lipalo tse holimo tsa baithuti ba naheng eo haholo libakeng tsa India tse atamelaneng haholo le Pakistan, likarolo tse kang Punjab, ho akarelletsa

le literopo tsa Amritsar, Ludhiana, Chandigarh le literopo tse ling tse haufi le moeli oa India le Pakistan.

Leha ho le joalo ntlo ea boemeli ba Lesotho e suptjoa e sebetse ka khokahano le Lekala la tsa Machabeng le Naha ea India ho fumana litlaleho tsa morao-rao, 'me boemeli ba SADC naheng eo bo itlamme ho tšoarana ka matsoho ho thakelana ka malebela qholotsong ena, haeba maemo a ntse a mpefala molomong oa tšireletso ea matsoalloa a linaha tsa SADC.



MOELETSI O TŠEHETSA BACHA

Tšeliso Thakholi

Kajeno bacha ba khabane re tliš'o utloa litaba tse monate ka e mong oa bacha ba ika-khetseng ka setotsoana litabeng tsa temo ea tamati. Mocha enoa ke Tanki Lekau oa Ha Sekepe tikolohong ea Mazenod ea bonahalang a le morolo haholo mosebetsing oa hae o motle oa tlhahiso ea tamati ka bongata bo boholo. O hlokomelisa bacha ba bang hore temo ka mefuta ea eona ke khauta ea bacha ba Lesotho ebile ke mokokotlo oa naha.

Ka mabaka ana le a mang, ha ho na mabaka a hore ebe bacha ba lutse feela ho se letho leo ba le etsang empa masimo le lirapa tsa habo bona le tsa bahaisane ba bona li ntse li le teng. O boetse o hlokomelisa bacha hore bophelo ba bona bo itšetlehile ka temo. Ntle ho temo ha ho bophelo kaha tsohle tseo ba phelang ka tsona li tsoa mobung.

U qalile ho sebetsana le temo neng?

Ke qalile ho sebetsana le temo ha ke ntse ke le Sekolong se Phahameng sa ltekeng ka selemo sa 2022 ho isa ho 2023, empa ka nako eo ke ne ke se na thahasello e kholo haholo ho eona, kaha leha ke kena sekolo ke ne ke etsa mopheho. Empa ha ke qeta ho phethela lithuto tsa Sekolo se Phahameng ke ile ka ela hloko hore temo ke ntho ea bohlokoa, eo nka tsebang ho iphelisa le ho thusa bacha ba bang ho fumana mosebetsi. Ke ha ke tla qala ho rata temo le ho eelloa bohlokoa ba eona bophelong ba ba ka ba let-satsi ka leng.

Ak'u re qoqele hore na ka mona ka 'green housing' teng u qalile neng?

Ke qalile selemong sena, 'me re hlahisa tamati ea boemo bo holimo haholo. Ke sebetsa le 'm'e a le mong, 'me ke lekhetlo la pele re lema tamati kaha Green House ena e sa le ncha e ne e sa tsoa buloa. Ka lebaka la lerato leo ke nang le lona litabeng tsa temo, re fuoe mosebetsi oa ho sebetsana le tlhahiso ea tamati ka tataiso le tšehetso e matla ea beng ba Green House ena.



U bone qholotso e kholo e le efe?

Temong ena ea tlhahiso ea tamati kannete qholotso e kholo eo nka reng ho tloha re qalile ho e lema ke mafu. Ho na le mofuta oa lefu le ileng la re tšoenya haholo le bitsoang 'link blind'. Lefu lena le qala le etsa ntho e kang hlobo makhasing, e be e fetela kutung e kho-

lo e jereng litamati. Ebe hamorao e se e ama tamati kahare e etsa ntho e kang seponche. Taba ena leha re ile ra atleha ho e hloka ka ho sebelisa meriana e fapaneng, re ile ra tlameha ho fokotsa tlhahiso ka ho khaola tse ling tsa litamati tse neng li se li amehile hore li se tšoaetse tse ling. Lefu lena e amme tlhahiso

ea rona haholo le hoja re sa thefuleha haholo.

Le lema mefuta efe ea tamati?

Re lemme mofuta ona oa highbride oa boemo bo phahameng haholo. Ke mofuta ona o holang ho ea holimo ho fihleletse moo motho a ka ratang ho khaola ho late-la hore na e holile ha kae. Rona re e balletse hore

ha e behile ka makhetlo a tšeletseng ho ea holimo re tliš'o e khaola e se hlole e hola ho feta moo.

U ka re bohlokoa ba temo ke bofe?

Kannete 'na ha ke hopotse temo ke hloka botsitso hobane e se e mphuthile linthong tse ngata tse ka silafatsang bophelo ba ka. Ntle le hore ebe ke boipheliso e boetse e qobisa bacha litlolo tsa molao, tšebeliso e mpe ea joala le lithetefatsi kaha e re boloka sebakeng se le seng ho fihlela motho a chaisa a leba hae ho ea phomola. Bacha ba heso re fuoe letlotlo le leholo e leng mobu ona oo e leng khauta ea rona. Letlotlo lena le ka tseba ho re matlafaletsa bophelo.

Keletso ho bacha

Bacha ba heso ke rata ho ipiletsa ho lona hlee! Leqepheng lena. Tlohong temong ka bongata re tsebe ho hlola bothata bo aparet-seng naha ea habo rona. Bacha bophelo bo teng temong, 'na ke se ke iponetse ka ana a ka a mabeli mahlo. E kholo ka ho fetisisa ke hore ha re lula re itšoarella ka matsoho, sena se boetse se re thusa ho baballa bophelo ba rona ka ho re qobisa lintho tse se nang thuso, tseo re ka qetellang re iphumane re kene ho tsona. Bacha mamati a butsoe ho bohle ba ka ratang ho tla iphumanela malebela ho rona.



Ho khutsa ho bolela'ng-Mofomobe

Tšeliso Thakholi

Moetapele oa Mokha oa Sechaba sa Basotho(B-NP), Machesetsa Mofomobe o re ho sa khathalle hore na ba pusong kapa ka bohanyetsing, mosebetsi oa bona oa mantlha ke ho tentša 'muso tšea le ho ba hopotsa ho phetha

tsoelepele ho fana ho fihlela motsotsong oa ho qetela." O boletse joalo a bile a etsa mohlala ka tsela eo 'muso o sebelitseng tumellano ea leano la phano ea motlakase ka teng, moo a itseng litaba tseo ha li'a sebetsoa ka tsela e nang le ponaletso.

A hlokomelisa Tona-Kholo ho ema ka maoto ho loantša bobolu "kaha h'a sa bo loan-

Mootsi o furalla DC

Nthabeleng Seitlheko

Raliphatlalatso oa Lekhotla la Puso ea Sechaba, (DC) Serialong Qoo o re lekhotla la habo ha le nonyetsehe ka letho kaha ho tsamaea ha litho tse ling, lekhotla le phophoma ka ho ba le litho tse ngata nako le nako. O boletse tsena, puisanong le Koranta ka mohlala, ka la 13 Motšeanong monongoaha.

O re seo ke tahlehelo tabeng ea lipalo paramenteng empa kholong ea lekhotla ha ho sie letheba le lelenyane. A re paramenteng ke moo ho uoang holimo le tlaase ka hona Mootsi

habo lebatooeng le ho se hlahelle ho hang ho eona. O re leha ba se ba lahlahetsoe ke litho tse tharo joale paramenteng DC e ntse e tsitsi-

hore ke tloha ka ho DC ke ea ho RFP. Taba ena ke e fihletse kamor'a boinahanobobabileng le therisano e tebileng le sechaba sa Makhaleng." O ile a tšela



tse tabeng ea tsosoloso ea litho le ho tšoara liboka ka matla.

hang. Puisanong le Koranta o supile a itsamaela ka khot-



Lehata o entse mosebetsi oa hae oa ho tšela ka boikethelo ba hae. A re se makatsang ke hore eo o ne a nena bobolu ba puso ena bo akhang hore Letona la Mesebetsi e Mehoholo le Lipalangoang Mohlomphehi Neo Matjato Moteane a itokolle lekaleng leo kaha a ikabetse mosebetsi oo ka bobobolu le ho ema ka thata litabeng tsa matona le maparamente a ikabetseng manyolo. O re ke tebello ea bona hore eo a ne a il'o sebetse litaba tseo tsa sechaba a se ke a momela.

A re ba fumane hore lebaka la boitokollo ba Lehata kahar'a lekhotla ke ho sebelisane 'moho le komiti ea

Qoo o tsoetsepele hore ho lokelang ho tsebahala ke hore eo o ne a le paramenteng a fuoe thomo ke sechaba sa habo tlasa folakha ea DC, 'me o se phoqile hobane o tsoile thomo tlaase.

Litaba tsena li latela hore Mokhethoa oa Makhaleng 50 Mootsi Lehata a ngolle Motsamai ea Lipuisano lengolo leo a supang hore o furalla DC o ea ho Letšolo la Ntlatfatso ea Moruo (RFP).

Lengolo le baliloeng ke Motsamai oa Lipuisano Paramenteng, Mohlomphehi Tlohang Sekhamane ka la 12 Motšeanong monongoaha, le baleha tjena "Ke le Mokhethoa oa Makhaleng ke u tsebisa le ntlo

so kaha a rata ho ithuta lintho tse ncha le ho ntlatfatsa sechaba sa habo. A supa hore ho tšela ke karolo ea boikutlo ba motho tšebetsong ea hae le hore o bona litaba joang.

Mongoli-Kakaretso oa RFP Nthati Moorosi o hlalositse hore RFP e tšebetsong 'me ba e latelang ba bona makhabane le tšebetso ea bona, 'me mosebetsi oa bona ke ho bona hore letšolo le anetse naha ka bophara le tsejoa le ke bana. A re ba amohetse motho ea matla haholo kahar'a letšolo ka hoo ba thabile hobane ba tli'o ithuta litaba tse molemo e le khale e le karolo ea mebuso.

...se makatsang ke

hore eo o ne a nena

bobolu ba puso ena

bo akhang

maparamente le

matona a ikabelang

mesebetsi...



litšepiso tseo ba ileng ba li etsetsa sechaba ha se tla ba ba khetha. O buile tsena 'mokeng oa baphatlalatsi ba litaba o bileng Ntlo-Kholo ea BNP, Maseru ka la 14 Motšeanong 2025.

Mofomobe o boleletse baphatlalatsi ba litaba hore BNP e tšehetsa puso e ikanang ka puso ea sechaba ka sechaba le ho ba le ponaletso. "Re ke ke ra tšehetsa 'muso o se nang ponaletso le ho etsa lintho ka tsela e sa hlakang." A rialo. O re ho bohlokoa haholo ho Tona-Kholo le 'muso oa habo ho lula ba le kahar'a meoloane ea puso ea sechaba ka sechaba.

"Re elelitse 'muso ka lintho tse ngata, re bile re khathetse empa ha o batle ho re utloa o tiisitse molala feela. Empa ha re na khathala matla re tla 'ne re

tše menyetla ea 'muso ea ho fumana lithuso tsa machaba, tsa Ma-Amerika ka mekhatlo e fapakaneng ea eona e'a fokola, kaha linaha tse kang tsena ha 'muso o hloka lithuso ba sheba hore na babusi ba loantša bobolu, ba hlomphe litokelo tsa mantlha tsa botho le puso e nang le ponaletso."

H'a bua ka bacha, o itse o maketse haholo ho bona bacha ba sitoang ho loanela litokelo tsa bona, bao e reng leha ba e-na le mathata a fapakaneng a bophelo le a kang a tlhokahalo ea mesebetsi le litaba tsa NMDS ebe ba thotse too! "Ke qala ho bona bacha ba mofuta ona. Ba khutsang ka tsela e tjena leha lintho li sa tsamae hantle ka lehla-koreng la bona. Ho khutsa hoo ho bolela'ng?" Ke Mofomobe eo.



Ba abeloa mesangoana

Nthabeleng Seitlheko

Ele ho boloka seriti le ho ntlafatsa bophelo ba ngoa'a ngoanana, Motlotlehi Mofumahali 'Masenate Mohato Seeiso, ka Mokhatlo oa Hlokomela Banana ka tšehetso ea Setsi sa Pokello ea Lekhetso sa Lesotho(RSL) o abetse baithuti ba Sekolo se Phahameng sa Hermitage Qacha's Nek mesangoana ea boithloeki-so ka la 10 Motšeanong monongoaha.

Mookameli oa sekolo 'Masamuel Koko o supile hore Motlotlehi o ba rutile hore ke 'm'e ea baballang bana ba hae, ka hoo ketso ena e ba butse mahlo hobane ho na le bana ba ntseng ba sa khone ho tla sekolong ha ba le linakong tsa bona, 'me seo sea ba thefula kaha ba sitoa ho ithuta ba lokohile.

O re qholotso ena e bonahala haholo ho bana bao malapeng a habo bona ho hlokoang, ebe ba qetella e le litichere ba ikopanya ho tšehetsa moithuti ea joalo hore a kene sekolo hantle. O re bana ba tobane le bothata bo boholo ba ho ikhulisa hobane batsoali ba ba siile ba ile mesebetsing, 'me sena se baka khatello ea maikutlo le ho lahlehelo ke boithšepo har'a ba bang hoo ba bang ba qetellang ba nyahlatsa sekolo ka lehare.



Mookameli oa RSL, 'Mathabo Mokoko o supile hore ngoanana ea tso-tellang bohlokoeki ba hae, o tsotella bokamoso ba hae



kaha a tla ithata ho fihlela a eba le lerato la naha ea habo. E le setsi o mong oa mooloane oa bona ke ho fetola bophelo ba Basotho le ho ba tšehetsa. A re ke takatso ea hae ho bona bophelo ba bana ba banana e le bo fetohileng bo nang le tsoelopele.

holo kholong e ntle ea ngoan'a ngoanana hore a hole a e-na le seriti le bophelo bo botle. Ebile ho boetse ho thusa hore ngoana ea joalo a kene sekolo kamehla le ho fetela mekhahlelong e meng ka nepo. Motlotlehi Mofumahali 'Masenate Mohato Seeiso

o bontš'itse hore bana ba banana ba lokela ho tšehetsoa hobane ba lokisetsoa bokamoso bo tlang ba boikarabello. O re mosebetsi oo a o etsang ke ho kenya letsoho thutong, kholong le

ang ke litaba tsa ho hloka mesangoana ea boithloeki-so e le ba tlokotsing, ka hoo ke tokelo ea basali bohle ho ema ka maoto ho sireletsa bana ba banana kaha ha ba ba rutile, ba atlehile



bokamosong ba ngoan'a Mosotho. O re bana bohle ba lokela ho fumana thuto ea boleng hape ba phuthulohile.

A bontša h'a hlokometse hore boholo bana ba ango-

naha e bonahala ka ntlafalo ea sechaba le moruo. Ke bonyane mesangoana e kaholimo ho 100,000 eseng e abetsoe bana ba banana, mekhahlelong e fapakaneng.

Lekala le ananela bapepisi

Nthabeleng Seitlheko

Mongoli e Moholo oa Lekala la Bophelo, 'Maneo Ntene o re lekala la habo le ikemiselitse ho fokotsa sekhahla sa 'ma le masea a hlokalang nakong ea pelehi, ka 20%. Litaba tsena o li boletse ketekelong ea Letsatsi la Lefatše la Boepisi ka la 9 Motšeanong monongoaha.

O supile hore bapepisi ba bohlokoa hobane ke ka bona bophelo bo bang teng lefatšeng, ka hona ba lebohe Molimo ka ho ba tšepela mosebetsi o moholo oa ho boloka bophelo.

O re taba ena e lokela ho fana ka tšepo ho bapepisi 'me ba tsebe hore lefatše le ananela mosebetsi oa bona ka ho fetisisa ka hona e se eka bapepisi bohle ba ka ba le lerato, mamello le qenehelo mosebetsing oa bona. A re har'a litsi tsohle tsa bophelo sa Nazareth se imetsoe haholo kaha baoki ba bane ba bapepisi ba sebeletsa sechaba se sengata, leha ho le joalo ba leb-oha hobane basebetsi bao ba etsa mosebetsi o khotsofatsang bohle.

Mookameli oa setsi sena, 'Mantuta Thelingane o

supile hore ba sebetse ka bapepisi ba bane, ba boetse hape ba bona bakuli ba tlang setsing ka mafu a fapakaneng letsatsi le letsatsi. O re ba imetsoe kaha ba iphumana ba sa phomole 'me se ama 'mele le likelelo tsa bona. O re sena se tla qetella se ama tšebetso ea bona ka hoo ba ipiletsa ho 'muso ho ba fa batho ba bang ho ba thusa kaha ba imeloa le ke palo e holimo ea bakuli.

Kabelo Koatsa e mong oa bapepisi, o itse letsatsi lena le bohlokoa kaha le etsa hore mosebetsi oa bona o ananeloe, o bonahale matla le boholo ba ona. A re ba hloka tšehetso joaloka mang le mang mosebetsing oa bona, ka hoo a ipiletsa ho bo-'m'e ho ea litsing tsa bophelo hang ha ba hloke-mela hore ba 'meleng, e le hore ba sireletse ba bona le ba masea.

O re sena se tla thusa hore e mong le mong a bapale karolo ea hae ea ho boloka bophelo kaha liqhohlotso tse tobaneng le bokhachane li le ngata. A re taba e 'ngoe ea bohlokoa ke hore motho a arolelane le bana ba hae, molekane kapa ba haufi le eena litaba tsa hae leetong leo hore a tsebe ho le feta ka katleho.

Mohoo oa selemo sena ke "Boepisi bo bohlokoa mae-mong ohle."

Tlhokomeliso ea mofetše baneng

Nthabeleng Seitlheko

Ele ho tšoea khoeli ea tlhokomeliso ka lefu la mofetše oa boko, Mokhatlo o shebanang le Mofetše oa Lesotho o hlokomelisa sechaba ka kotsi ea mofetše ona kaha o ama bana ho fihlela ba ka timela. Litaba tsena li boletsoe ke Mothehi oa Mokhatlo 'Mampho Tšupane puisanong le kKoranta ka la 13 Motšeanong monongoaha.

O re ho na le mefuta e mengata ea mofetše empa oa boko o nka nako telele pele o fumaneha, ka hoo ho bohlokoa ho batsoali ho isa bana litsing ha ba ikutloa ba sa phela hantle. O re batsoali ba hlocomele hore

ngoana a se ke a lla ka hloho nako e telele eaba ha e nkeloe bohato ha e ka etsahala matsatsi a mararo motsoali a phehelle ho ea ngakeng ho fihlela ho fumanoe se jang ngoana.

O bontšitse hore matšoa a mofetše ona ke hlooho, lehlatsi, mahlo a bohloko le lehlakore le utloang bohloko le amehileng. O itse mokhatlo o ithutile hore leha batsoali ba etse hloko matšoa ana, empa qholotso ke tlhokahalo ea chelete bakeng sa kalafo le litsi tse hole le moo ngoana a ka fumanang kalafo.

Bothata bo bong o re ke khahello ea thuto sechabeng, e leng se etsang hore batho ba hloke tsebo le kutloisiso ka seo e leng sona, joale ho boima ka ho fetisisa ke hore o hlokisa bana boithšepo kaha kalafo ea ona e sia leqeba le leho-

lo le bonahalang 'meleng oa ngoana.

Molula-Setulo oa Komiti ea Boiketlo ba Sechaba, Mokhothu Makhanyane o hlalositse Koranta hore bophelo ba sechaba bo bonahala bo le tlokotsing ke tlhokahalo ea setsi sa mofetše, le bonahalang lefu le namme sechabeng leha ho le joalo 'muso o se o ntse o aha setsi se tla thusa hore batho bohle ba fumane kalafo kahar'a naha.

Ho bohlokoa hore Basotho ba hlahlobele lefu lena hore ba le fumanele pheko kapa kalafo e sa le nako. O re bana ba lokela ho hlahlobela mafu ohle molemong oa bophelo ba bona bo botle, le ho holela linaha tsa habo bona hobane ha ba kula le naha ea kula ka hoo ba tšoele ka matla ho bona hore setsi seo sea ahoa sea feela.

Bothoba-pelo e keteka le basali

Nthabeleng Seithheko

le ho matlafatsa basali litabeng tsa boetapele le khoebo e tsitsitseng, Mokhatlo oa Bothoba-Pelo Foundation, o ketekile Letsatsi la Lefatše la Basali ka ho ba thake-

malapeng a bona ka lebaka la litlamorao tse bakoang ke phetoho ea boemo ba leholimo, haholo ha bohoto batho ba kena temong empa ho se chai e bang teng masimong. O re mokhatlo oa habo o tsoere ka matla ho bona hore basali bohle b'a tšehetsana le ho ikopanya hore lihlahisoa tsa bona li tsebahale.

to ba itlhahise ka litsebo tsa bona hore lefatše le ba tsebe. O lakalelitse basali bohle letsatsi le monate ka le reng ba ka fetola bophelelo ha ba le 'moho. Moliehi Nkhabu ho hlaha Mokhatlong oa Basali ba Banyenyane Lipolotiking Afrika, o supile hore lipolotiki ke sethala se lokelang ho kopanya sechaba, ho se ruta ho hanyetsana le



la ka malebela a khoebo, bointlafatso le ho khutlisa tšepo ea bona litabeng tsa boetapele. Litaba tsena li bile ka la 10 Motšeanong monongoaha. Mothehi oa Mokhatlo ona, Mamello Letsie o supile hore basali ba tobane le phepetso ea boipheliso

Ho fetoha ha moruo ke ntho e ka etsahalang ha bonolo ha sechaba se kopane ho tloha metseng ho ea literopong se utloisisa hantle litaba tsa khoebo, a re re phela nakong eo basali ba ananeloang ka hohle-hohle ka lebaka leo ba lokela ho ema ka mao-

ho lumellana, ha se ka linako tsohle motho eo e

ho ba le lentsoe litabeng tsohle tse ba amang. O re ha joale basali ba eloa hloko lefatšeng le Afrika, ka hoo ba bone hore ba sebetse ka matla ho iponahatsa. A re letsatsi la basali le bohlokoa hobane le re hopotsa ka lerato la batsoali, bohlokoa le kholiso e ntle ea bona. O itse ho hloka hantle ho etsoe melao e sireletsang litokelo tsa manlha tsa basali ka hohle hore bahlekefetsi ba bana le basali ba nkeloe likhato tse boima tsa molao. Mapontšho Lebeko ho hlaha Lefapheng la Seahlolo

hlahisa temong ka boikopanyo kaha ha ba hlahisa ka bo-mong temo e hloka pokotho e tletseng. Mokhethoa oa Qeme 47, Hakane o supile hore basali ba bapala karolo e kholo moruong oa naha le oa lefatše ka hoo ha ba sa hlahise tlala e tjamela malapa le bana ha ba hole hantle. A re batho ba khethang ka bongata ke basali 'me seo se etsa hore phetoho ea mebuso e be teng. O itse taba ena e qholotsa basali hore ba iponahatse boetapeleng kaha ba fokola ka lipalo. A re ba hlokomele matla le



leng moetapele a lulang a nepa ka hoo basali ba banyane ba eme ba tsebe ho bonahala hohle moo ba teng. O re ha ba ka kena lipolotiking ka bongata ba nka karolo le likopanong ba tla tseba ho phelisa malapa, ho holisa sechaba le


se Babatsehang, Ofising ea Tona-Kholo, o supile hore ofisi ea habo e tsoere ka matla ho bona hore e fana ka thuto litabeng tsa kholo le ho beha litheko lithepeng tsa Basotho, le ho fana ka lithupelo hore Basotho ba bonahale ba

lerato leo 'Mopi a ba fileng lona ho ba bahlokomeli hobane bosieo ba bona bo ka etsa lefatše le hloka tsamaiso le kholiso ka hoo ba hloka ho ba le batho ba kang bona hobane ntle ho bona ho ka be ho se khotso.



MOB KIDDS EDUTAINMENT

Puzzle MOB 93-45826



Across

- 2 Lapeng leo ho se nang moshanyana, e ba batsoali ba ntša likhomo ho fumana ngoetsi. (6)
- 3 Bolokoe ba khomo bo chekiloeng ka sakeng, e le mokhoa oa libeso. (4)
- 8 Poone ea Hoetla (7)
- 11 "'Mesa mohloane h'a panye" mohloane keng? (7)
- 12 Bolokoe ba khomo bo ommeng. (7)
- 13 Lebese la phoofolo e qetang ho tsoala. (8)
- 16 Mareho 'moka a fumanehang ho motho. (4)
- 17 Lenyalo leo monna a nyalang bana ba motho.(7-1-5)


Down

- 1 Lenyalo leo mosali a nyalloang ho etsa bana feela. Lenyalo la ... (4)
- 4 Bohobe ba mabele a macha. (9)
- 5 Lebese la khomo e emereng. (6)
- 6 Lentsoe le fanang ka moelelo o tšoanang le khubu. (4-4)
- 7 Khaitseli ea mosali oa ka. (5)
- 9 Lenyalo leo ea nyalang a sa ntšang likhomo ho hang. (5)
- 10 Moo monna a nyalang basali ba fetang bonngoe. Lenyalo la... (7)
- 14 Ha mosali a hlokahetse, monna o nyala moena oa hae. (2-2-4)

- 15 Ha moshanyana oa lelapa a ile a hlokahala a sa fokola, ha lithaka tsa hae li nyala, lelapa le ntša likhomo ho nyala mosali ea tla ba etsetsa ngoana. (7)

SOLUTION

MOB 93-4585





TSA KEREKE

Komiti e kopa bonngoe



Tšeliso Thakholi

Leitho tsa Kopano ea Anna ea Halalelang tsa Parish ea Maria Mofumali oa Lefatše, ho hlaha Likerekaneng tsa bona le metseng e fapakaneng li bile le phutheho e khethehileng hona Parishing, Mazenod ka la 11 Motšeanong 2025 ka sepheo sa ho khetha komiti e ncha e tlang ho nka lilemo tse tharo.

Nkhono Exinia Sebilinyane o khethiloe e le eena Molula-Setulo e mocha, Motlatsi oa hae ke Getrude Nkofu. Mongoli ke Francina Mokholana, Motlatsi oa hae ke Exinia Lenka, Ramatlotlo ke Josina Mokhele ha Litho e le Anna Tihabeli le 'Marakhosi Rakhosi.

Puisanong le Molula-Setulo e mocha o itse o lebohile le ho amohela thomo eo a e fuoeng ka matla a Moea o Halalelang.

A re ho bile boima haholo kaha ho se bobebe ho etella pele batho, empa Moea o Halalelang o ile oa ba tlatsa ka matla ho amohela khetho ena, "hobane motho ha u ntse u sebetsa u ne u sa hlokomele hore ho na le batho ba u shebileng bao u ntseng u ba khahla ho late-la makhabane a hau. Leha ho le joalo ke amohetse 'me 'na le komiti ena ea haeso re tla tataisoa ke ona Moea o Halalelang."

A re taba-tabelo ea bona e kholo hang ha ba qala tšebetso ke ho tla ntlafatsa Kopano ea Anna ea Halalelang ka ho tsosolosa bonngoe, borapeli le ho tšehetsana. A re ba boetse ba tlii'o tsosa mekhathala e leng bo-nkhono bao e ntseng e le litho, feela ba se ba sa phethe litšoanelo tsa bona. Ka holimo ho tsohle, o itse ba lakatsa ho bona ntlo ea bona e felile, 'me ka tšebelisanano 'moho le bonngoe ba Kopano pele ba theoha litu-

long e tla be e felile, 'me ba se ba e sebelisa mererong e fapakaneng ea Kopano le ea Kereke.

Nkhono Sebilinyane o re Bo-nkhono ba Anna ke litšiea tsa Kereke kaha ba kentse letsoho le toma mererong eohle ea khohiso ea Kereke, 'me ba ntse ba tlii'o tsoelapele ka matla a moholo ho feta pele ho matlafatsa Kopano le Kereke ea habo bona. A ipiletsa ho bo-nkhono ho tšehetsana le ho tšehetsa komiti ea bona. "Moea o Halalelang o ke o kene ho bo-nkhono ho bona hore ba tsoarana ka matla le komiti ea bona. 'Na ke laba-labela bonngoe ba Kopano le borapeli e le ho thusa komiti ea bona hore e hole." O boletse joalo a bile a phethela ka ho kopa Moea o Halalelang hore o ke o ba tlatse ka matla le hore komiti e tle e be le bonngoe e le hore ba tle ba tsebe ho hlola liqholotso tseo ba tla kopana le tsona.



2024-2025 SELEMO C

SONTAHA SA 5 SA PASEKA



Liketso 14:20-26
Pesalema 144
Tšenolo 21:1-5
Joannes 13:31-33.34-35



Khothatso

Bosebeletsi ba lerato ho Kriste

Ha re sheba Tsoho ea Morena e le qaleho ea leeto la moea ho Bakatekumena ba sa tsoa amoheloa Kerekeng ea Morena, re hlokomela hore alemanaka ea Kereke ha nako e ntse e-ea e bontša hore Moea oa Morena o isa meea ea balumeli kholong hanyane ka hanyane. 'Me ho bohle ba khale ke khopotso ea thuto eo le e amohetseng hore e tsoelepele ho beha litholoana, ebe tsebo ea lona 'moho le tumelo li'a matlafala. Lisontaheng tse fetileng re fumane lithuto tse fapakaneng, sa pele re phatlalalitse Tsoho ea Kriste, sa bobeli ra utloa nalane ea Kereke mehleng eo, sa boraro ea e-ba sa botšephehi ba rona ho Kriste 'me se fetileng re rutiloe ka Kriste e le Molisa ea Molemo. Ho sena hape re mengoa ho inahana ka bosebeletsi ba lerato ho Morena Jesu.

Evangelizing re utloa Kriste ea re fang molao o mocha e leng oa lerato, o re re ratane joalokaha le eena a re ratile (Joannes 13:34) 'me ha re etsa joalo bohle ba tla tseba hore re barutuoa ba hae. (Joannes 13:35) Mantsoe ana a Kriste a re hopotsa a hlakang Lengolong la Pele la Joannes, "Baratuoa, ha re rataneng hobane lerato le tsoa ho Molimo; mang le mang ea ratang o tsoetsoe ke Molimo 'me o tseba Molimo. Ea se nang lerato h'a tsebe Molimo, hobane Molimo ke lerato." (1 Joannes 4:7-8) Joannes o tsoelapele hore bohle ba reng ba rata Molimo empa ba hlophile bana ba habo bona ba leshano, hobane motho a ka rata Molimo ea sa 'moneng joang a sitoa ho rata ngoan'abo eo a 'monang. Kriste o itse ba ratang Molimo ba rate le bana ba habo bona. (1 Joannes 4:20-1)

Lerato leo re nang le lona ho bohle le tsoantša leo re nang le lona ho Molimo, hobane ha re mo rata re etsa tsohle tse mo khahlisang 'me ho mo khahlisang ke'ng ha e se ho mamela taelo ea hore re ratane. Ka ho phethahatsa taelo ena lerato lena le fihla ho Molimo Ntate eo le eena a re ratang joalokaha a ratile Mor'a Inotši oa hae. Lerato la 'nete le kopanya bana ba Molimo ntle le khethello. Haeba bana ba motho ba arohane, lerato la Molimo le kae? Haeba batsoali ba lahla bana ba bona, lerato la Molimo le kae? Ha lelapa le arohana 'me ho se motho ea ikutloang ho le kopanya, lerato le kae moo? Bana b'eso ekaba re thetsa mang haeba batho ba ipitsang Bakriste ba bo-laeang ba sebelisa lebitso la Morena? Ho thusa'ng hore re ipitse balumeli empa re phela bophelo ba boikaketsi ka ho tlohela lintho tse mpe tse etsa-hallang bana ba habo rona? U sitoa ho ipitsa oa Kriste empa u se na lerato, u tletse mona le bokhopo ka pelong ea hau feela kantle u sena meno. Ha ho molemo oo u tla u fumana ho phela bophelo ba boikaketsi lefatšeng mona ho khahlisa batho, hobane ka Letsatsi la Kahlolo u il'o hlaha kapel'a Morena o le mong. Phela bophelo bo tla u thusa ho amohela moputso oa 'nete o sa boleng, tlohela ho reka lifahleho tsa batho ba lefatše; ha ho seo ba tla u etsetsa sona. Tšepa Kriste, Konyan'a Molimo e rometsoeng ho u lopolla libeng tsohle tsa hau.

Ka ho ba litho tsa 'Mele oa Kriste o kenyeletsang 'Muso oa Molimo o lefatšeng, re mengoa ho rata le ho hlomphe Molimo joalokaha re bopetsoe ho mo rata le ho mo rapela. Ka khohlo ea rona ea moea eo re e okhang likamanong tsa rona tsa letsatsi le letsatsi le Morena, re fumana litlholo-nolofatso le grasía tsa lerato ho Molimo tseo re tla li bonahatsa ho bana ba habo rona. Ka popo ea Molimo e ncha, re halalelitsoe le ho lokafatsoa bosebeletsing ba rona ba lerato le ho Kriste, e le hore re khanye kapel'a bohle joalokaha e le tokelo ea rona ho etsa rona.

Bahalaleli har'a Beke

19	Motšeanong	Dunstan
20	Motšeanong	Basilla
21	Motšeanong	Eugene de Mazenod
22	Motšeanong	Rita
23	Motšeanong	Goban
24	Motšeanong	Joanna

Ba behelloa ka thoko

Tšeliso Thakholi

Nakong ena eo lipapali tsa Liki e Kholo ea Vodacom li seng li haba ho fela, botsamaisi ba Sehlopha sa Bolo ea Maoto sa Matlama 'Tse Putsoa', bo entse qeto ea ho behella kathoko ho tšebetso Mokoetlisi Halemakale Mahlaha le Motlatsi oa hae Mosito Matela ho fihlela lipapali tse setseng tsa liki li fihla pheletsong.

Ho ea ka Raliphatlatso oa Tse Putsoa, Themba Talane bakoetlisi bana ba behelletsoe ka thoko ha nakoana, e le ho hlahloba mosebetsi oa bona ho tloha haesale selemo sa lipapali sa 2024/2025 se qalile. A re ho hlahloba tšebetso ea bakoetlisi ha se ntho e ncha kahare ho sehlopha kaha ba atisa ho etsa khafetsa ka sepheo sa ho bona tšebetso ea sehlo-



pha ka sepheo sa ho se thusa le ho se matlafatsa moo e bang se fokola teng. Leha a sa ka a hlakisa han-

tle hore na bakoetlisi ba tla boela ba khutlela kahare ho sehlopha kamor'a tlhahlobo ea botsamaisi, o

itse sephetho o tla fana ka sona hang kamor'a hore ba qete tšebetso ea bona. A re nakong ena eo ba ntseng

ba behelletsoe ka thoko, sehlopha se tla tsoela pele le bakoetlisi ba nakoana ho fihlela lipapali li fela e leng, Dlomo Monaphathi le Tefo 'Chicco' Maipato.

Botsamaisi ba Matlama bo behella bakoetlisi ka thoko kamor'a hore sehlopha se bapale ka seahlo- lo 1-1 le Majantja ka la 7 Motšeanong monongoaha, papaling ea sona e neng e salletse morao, ha mafelong a beke a tsoa feta se hlotse sa LU ka 2-0.

Ka lipapali tse 28 tseo se li bapetseng se bokellelitse lintlha-kholo tse 61 'me se sebeletsa lintlha-kholo tse 67. Ka hona se ke ke sa hlo- la se e-ba le monyetla oa ho hapa Liki lekhetlo la bone ka tatellano se ntse se etsoa boemong ba bobeli. Hajoale Matlama e saletsoe ke ho tla amohela Sehlopha sa Linare le ho etela sa Bantu e le lipapali tsa eona tsa ho qetela. Ho sa le joalo, liba- pali tse tharo tsa sehlopha li beheletsoe ka thoko ka lebaka la boitšoar, tsona ke Rethabile Mokokoane, Motete Mohai le Lisema Lebokollane.

Litholoana tsa katleho



Tšeliso Thakholi

Ho sebetsa ka boitelo le lera- to ha sebakali se hloahloa sa papali ea bolo ea maoto Thuso Mahloko ho tloha li- hlopheng tse nyenyane tsa

U/12 ho isa ho tse kholo tsa A Division, ho fihlela a eloa hloko ke lihlopha tse kholo, ho entse hore kaje- no a hlahelle har'a tse ling tsa libapali tse matla haholo tsa bahlankana ba ntseng ba hola papaling ea bolo ea maoto.

Khalala ena e kileng ea bapalla sehlopha sa Mem- bers le sa Swallows ke mohlala o phelang oa hore lerato la hae papaling ea bolo ea maoto, le ho holi- sa talenta ea hae li fetotse bophelo ba hae. Ka lebaka la lerato la hae le ho tsepa-

misa maikutlo papaling ea bolo ho qeteletse ho entse hore a boele a ntšetse pele talenta ea hae sehlopheng sa ba lilemo li ka tlase ho 20 sa Kick4Life.

Ho boulela talenta ena ea hae ke hona ho etsang hore a 'ne a be le katleho papal-

ing ea bolo ka linako tsohle. H'a ntse a tsoelapele ho ip- abola le ho bontša makha- bane a hae, lihlopha tse ngata tsa A Division li 'me- hile leihlo, 'me li batla ho mo ngolisa hang ha selemo se secha se qala. Lihlopha li lokela ho phahamela mapo- qo li se fetohe koekoe ea morao, bakeng sa ho iphu- manela khalala ena.

Litsela tsa hae tsa ho fi- hlela katleho papaling ea bolo ea maoto li qalile khale haholo, ho tloha h'a le li- hlopheng tse nyenyane tsa U12 tsa tikoloho ea Ma- zenod, a boela a bapalla se- hlopha sa U/15 sa Swallows se bitsoang SWALDF. Ka hona sena se ile sa mo fa monyetla oa ho pakahatsa litsebo le boiphihlelo ba hae papali ea bolo ea maoto.

"Ke fihletse seo ke leng sona kajeno ka lebaka la batho ba bangata, ba ileng ba nthusu ho holisa talenta ea ka. Ke re ho bona kea ba leboha ba tsoelepele kaha leeto la ka ha le e-s'o fele. Ke rata ho iphumana ke ba- palla sehlopha sa Naha sa Likuena." O boletse joalo.

O re bolo ea maoto e bohlokoa haholo kaha e ruta motho ho qoba lintho tse kotsi tse ka senyang boph- elo ba motho. Ho feta mona o re e thusa motho ho ba le bokamoso bo chabileng. A ipiletsa ho bacha ba bang ho itahlela ka setotsoana lipapaling tse fapakaneng kaha sena se tla ba thusa ho matlafatsa litalenta tsa bona, ho hola ba phetse hantle 'meleng le kelellong.

Bantu ha e sisinyehe

thata ho bona ho feta mo-
leng o kamorao oa Bantu
leha ba se ba leka ho ea
ho bona ba ba tobile ho

Tšeliso Thakholi

S ehlopha sa Bolo ea Maoto sa Bantu ‘A Matšo Matebele’ sa Setereke sa Mafeteng, se ntse se eme boemong ba boraro lokong kamor’a ho kha-khatha LDF ‘Sohle-Sohle’ ka phafa ea 2-0 papaling e etellang pele tse peli tsa ho qetela tsa Liki e Kholo, e neng e bapalloa Ha Rat-jomotse, Maseru ka Moqebeloa oa la 10 Motšeanong 2025.

A Matšo Matebele ea Mafeteng eo e leng bompoli ba mehleng ba Liki e Kholo ea

Vodacom, ba ne ba e na le tšepo ea hore ba tla hloella boemong ba bobeli kamorao ho bapala lipapali tse 28, moo ba atlehileng ho hapa tse 19, ba bapala ka ho lekana ho tse 3, ‘me ba hloloa ho tse tšeletseng ba se ba hlotsoe ho ea honyella maemong a bobeli kaha ba ile ba hloleha ho roalla le sa sele joaloka kamehla. Haele LDF e theohetse boemong ba bohloko ka lipapali tse 28, ea lahleheloa ke tse tšeletseng.

Lihlopha ka bobeli e sale li hlaselana ka matla a maholo ho tloha ha phala ea pele ea papali e lla ho fihlela phala ea ho qetela. LDF e



bonahetse e sa ka ea lahla liphethela leha e se e ntse e

fopha mali ke phafa ea 2-0. Bobeli ba lihlopha tsena li fositse lintlha tse ‘maloa karolong ea pele le ea bobeli ea papali. LDF e bile le menyetla e mengata ho feta ea sehlopha sa Bantu empa leha ho le joalo, ba ile ba hloloa ho e sebelisa.

A Matšo Matebele a ne a atleha ho tšoara bolo nako e telele ho feta tekano le ho hlasela ba lireng. A ne a fihla ka mekoallong ea LDF khafetsa empa ho se nko ho tsoa lamina. Ka lehlakoreng le leng LDF ‘Sohle-Sohle’ e ne e hlasela ho hlaha ka mahlakoreng, e leng ntho e sa kang ea ba tsoela molemo oa letho.

Ho ne ho bonahala ho le

bile boima haholo. Papali e bile ea fela Makaota a ntse a ithomme pele. Barati ba bangata ba bolo ba ile ba bontša ba sa khotsofala ke tsela eo LDF e neng e leka ho hlasela ka teng. Ba boetse ba lla ka moletsaphala ea neng a tsamaisa papali ena ka le reng h’a e tsamaisa hantle hammoho le bathusi ba hae.

Ke papali ea bobeli ka tatellano eo Bantu e hapang kamor’a ho qala selemo sena sa lipapali e hula ka boima. Ka hona nakong eo e ikutloang e phutholohile, liki e se e le haufi le ho fihla pheletsong kaha sehlopha ka seng se saletsoe feela ke lipapali tse peli.



Kick4Life e’a phunyeletsa

Tšeliso Thakholi

S ehlopha sa Bolo ea Maoto sa Kick4Life Juventude seo barati ba bolo ea maoto ba bangata ba neng ba lumela hore se ke ke sa o besa oa tuka, ho bompoli ba A Division ka Boroa, e leng Members se entse khoba ka ho phunyeletsa ho ea ho lipapali tsa seka-makhaolakhang a Mohope oa Nedbank 8 Cup o neng o bapalloa Lebaleng la Bambatha, Maseru kamor’a ho teteke Members 5-4



thahong ea mekoko ha ka

lebaleng li tsoile li bapetse ka seahlolo sa 2-2.

Mokhahlelong ona oa Seka-Makhaolakhang Kic4Life Juventude e tliil’o thulana le Qoaling Highlanders kamor’a hore e itsamaele bolacha ka Litšehlo ka ho e shapa ka phafa e bohloko ea 2-0. Barati ba bolo ba ne ba lekenya hore Members e tliil’o iphetela bolacha joaloka ngoahola ha e ne e shapa Kick4Life Juventude 2-0 lipapaling tsa makhaolakhang e ba e nka Mohope oa Nedbank 8 Cup.

Haele bompoli ba ka Leboea ba A Division e leng Maroala ‘Hoo! La luma letšoele’ ha ba e reneketsa barati le batšehetsi ba eona, e atlehile ho finyella ho lipapali tsa Seka-Makhaolakhang kamor’a ho sasara Swallows ka thupa ea 3-1 papaling e neng e tuka malakabe Lebaleng la Bambatha ka Sontaha. Athe papaling ea bobeli ea letsatsi leo, ke moo Quthing LMPS e bonahalang e kapile mollo ho tloha ha lipapali tsa Liki ea A Division li qalile monongoa-

ha, e ile ea tsoa ka lesoba la nale ha e ne e hlola Litšilo ka 1-0.

Ha ho le joalo, Qoaling Highlanders e tla kopana le Quthing LMPS mafelong ana a beke Mokhahlelong oa Seka-Makhaolakhang. Balebelli ba papali ea bolo ea maoto ba na le tšepo e kholo ea hore Qoaling Highlanders e tliil’o itsamaela bolacha e be e nke mohope ona lekhetlo la pele, haele mona bompoli ba ngoahola e leng Members ba hlotsoe ho o sireletsa.

Ho sa le joalo lihlopha tse seng li hlatsoitse jesi litlholisanong tsena ke Members, Litšehlo, Litšilo le Swallows. Lihlopha tse tharo tse hlotsoeng li se li tla boela li leka lehlohonolo hape isao, athe Members eona e se e fetela lihlopheng tse kholo tsa Premier ha selemo se secha sa lipapali sa 2025/2026 li thoasa. Sehlohlolo sa Mohope oa Nedbak 8 Cup se tliilo ba lipakeng tsa bompoli ba mahlakore a mabeli a A Division e leng ka Boroa le ka Leboea moo Members e tlang ho kopana le Maroala Mohopeng oa Nedbank Champs of Champs.



When we change so do all things

We complain about the changes we want to see either in our lives or in the world at large. We are wired to believe that for those changes to effect efficiently someone or something else must change. We never see ourselves as part of what should change. We naturally divorce ourselves from the reality; it can't be our fault; it can only be

someone or something to blame. That attitude prevents us from seeing any fault in us, hence, growth always eludes us. The truth however, is things only change a minute we change ourselves. When we change the way we look at our lives and the world around us everything begins to change. It changes to the direction to which we perceive of it. We have the ability to change our reality to

the direction and destination we want, all we need is to make mental adjustments. Let's start looking at our world from a different perspective, everything else will change. We have the potential to change the world if and when we can change the way we think about it. It is just a matter of us readying ourselves for a change and accepting the responsibility of change that the world can and will change.



Teboho Matjeka
63574502/58911803

ELEGANCE COUTURE

www.moeletsiabasotho.co.ls

fabric that speaks



PHYSICAL ADDRESS: TRADORETTE BUILDING ROOM B22



FACEBOOK AS ELEGANCE COUTURE



WHATSAPP: +266 58524642



INSTAGRAM AS ELEGANCE COUTURE